

永山金氏世譜序

壬寅譜十冊

乖崖子有言曰欲識家門慶當觀子道賢信乎斯言也有父而賢於祖有子而賢於父是世世有慶而門戶昌大若反是而父不如祖子不如父是世世有損而門戶衰退然則家門之慶莫如子道之賢矣傳曰一年之計種粟十年之計種木百年之計種德種粟者獲其實種木者獲其材種德者獲其福此必然之理也雖然粟既種不獲其實者有之木既種不獲其材者有之至於種德不獲其福者無之矣不在其身則在其子孫不在于今世則在乎來世故曰積德百年而後可以興有其事而無其實者有之粟與木也有其事而見其實者有之德也若夫名門右族之冠冕累世輝耀中外者人皆欽慕而不知其種德之久如是其發現也噫吾門自典容令以后忠孝節義文章德業綿綿不絕門戶之烜赫頗爲東國之望與隴西之李遂比並不讓而至於中葉以下零替不振於前則何其盛而卓卓也於后則何其衰而浸微也是必有理也家門之慶種德之事有前後不同者也自乙

亥修譜后迄今二十七年辛丑春更以修譜事發通各處定譜所于聞谷齋舍收
遠近宗族成一帙譜帖追遠感舊之懷俯今仰古之想尤切他日矣窃惟我永金
散居京鄉數不多勢亦因回顧斯門之淵源愧稱名祖之後裔言念及此寧不寒
心哉是譜後願吾僉宗不負祖宗顧托之意不墜子孫教養之道德業相勸患難
相救雖在千里之外雖有親遠之分每以敦睦之誼留念於心互相敬愛無異一
家之內則向所謂家門之慶獲福之事不期而自至不求而自遂矣豈不吾門之
幸耶余於今日未嘗不眷眷於僉門也云

壬寅春正月 日宗孫洛中謹序

有天地然後有萬物有萬物然後人爲最貴焉故聖人出制禮作樂以正風化五
常之道定而氏族之分明矣故國有史家有譜昭穆分明秩序正然程蘇之譜所
由作也我東方擬倣於此名門巨族作譜牒以傳來歷然自三韓以來其傳統昭
昭可考者鮮矣而僅記 李太祖前後者多矣我祖始於新羅詹事公益光至麗

末典客寺令諱令貽爲鼻祖至今爲二十餘世矣其間譜牒之述 肅廟甲子爲始至於壬寅譜凡九刊也 李朝五百年來道德忠孝文章勳業之行績則先君子之序文盡善盡美顧茲剪劣何敢贅言於其間哉然責有題序之任不得不已也故略記數語其願未云耳夫譜也者述先叙倫正名分序昭穆之道是宗族間之一事也必以孝悌忠信仁義經濟爲本此四者並行然後無遺漏無厚薄之端而宗族可收風俗可厚行之一家而一國化之行之一國而天下化之人各親其親族其族何患乎民彝之不序世教之不明乎事無大小莫不由此四者出來可不慎哉可不勉哉辛丑十月六日 參判公享祀時譜議發說僉議皆應即時發文各派與任員諸氏十一月初一日始役翌年正月二十日正草已畢與報恩尙州兩派同譜可決即時付于鋟梓以十冊爲一帙此乃四者之策與千人一心之力也夫吾黨此四者爲體以責人之心責己恕己之心恕人則收宗族厚風俗之道庶幾可期也吾黨其勉旃哉

歲之壬寅仲春 月 日 後孫 堯憲 謹識

吾東方有姓家譜系之盛行莫近世若而皆倣於周禮所謂奠世系辨昭穆之遺義也惟我永山之金自庚子大譜以後已過六旬有奇則其間生卒嫁娘孝友篤行必當倍蓰於前修而迄未載錄惟尙之一派適因愚淵先祖遺集刊行之會僅修一弓而但以未克大同爲夙霄難捨之憂每於大祖松楸之會各派宗族齊進于楓川堂屢議及此而時訕舉贏因循未就矣昨歲春孟之月文平公胄孫洛中甫慨然有意於此文以輪告于各省面以爛商于諸族始會于尙再會于永衆皆響應決議敦事實是闔門之幸耳遂乃排定任司收合抄單事係難慎屢經時月迺於今春設所于忠之南大德始開印役顧我藐末後生何敢東里於其間哉只一遵舊例而叅互考校補其闕漏正其訛誤首尾凡周一歲有奇而僅訖棗梨之役今而後果知譜系之重且難也繼而下一轉語曰吾姓之貫永山者蓋自典客令府君積德垂休中遺出由來而上下千有餘年功名勳業冠冕一世道德文章

輝映千後有如星斗之磊落礪脈之延綿蔚然爲海以東之巨閥也今夫諸公以
祖先之遺體幹祖先之譜系其必儼然有寅畏之心矣悚然有邁追之心矣思其
始於一身而分而至於千百人之衆多肇乎一家而蔓而及乎千百世之久遠每
寓於目而千百人之猶一身也恒存乎心而千百世之如一家也則蘇氏所謂孝
弟之心油然而生者庶可復見於今日矣惟願同譜諸公惕念斯語父詔其子子
詔其孫聿修敦睦有永無替則幸孰大焉余以不文敢文於不敢文之地惟僭越
是懼云爾

歲壬寅春分節

后孫基允
盥手謹書

收宗族厚風俗不忘本程夫子之所訓也看我譜者孝悌之心油然而生蘇氏所
序也蓋金氏上自新羅得姓以後有三十八王又爲分封有五十八本其子孫三
千里江山坊坊谷谷無所不居計於大姓以金爲首不亦宜乎吾金自神武王系
出而至麗末以永山爲貫則至今二千餘年也其間簪綏之榮子孫之蕃豈非根

大枝盛源深流長之理乎去乙亥修譜已近三十年矣宜其續譜之時則吾亦書
霄不可不念而各派諸宗發論茲事不過期年付之手民成編配付各派使諸宗
無至路人之歸余在老列雖不叅席豈不生於感激之心乎今日此志後日子孫
繼之述之永年勿替則雖百代之遠可講於一堂而某爲某孫某爲某派昭穆之
序自明而敦睦之風孝悌之心油然而生矣程蘇之訓於斯可得而禮義東方之
名益此有光豈不勉旃哉

歲之壬寅仲春節

后孫 義燮 謹書

題永山金氏族譜後甲子譜一冊

之後孫稱

永山金乖崖所不知人多在報恩縣適聞大雅諸公經綸之暇梳洗國內譜牒相與語曰吾儕後生僅記得祭祀所及而遠者不能詳也盍就而叩質焉諸公嘉其意錄示其源委余曰諸公使人知來處立忠義以尊固朝廷之勢此蓋出於程張二夫子之言矣亦衰世之意所感者深矣雖然竊有所疑焉爾先之得姓果俑于神武王則神武之後新羅尙有幾王高麗有三十四王統幾百年而其間爾先之系只五世壽命雖云不齊不應國系如是之促而私家如是之疎是必中間容有漏失者爾等須更進而諗焉余亦故贊成諱宗敬之彌甥不敢不眷眷也應曰諾余退而私識之以俟焉

崇禎闕逢困敦觀之上澣恩津宋時烈謹識

永山金氏族譜序序二〇庚辰譜二冊

在歲戊寅秋壬戌宗兄克諾氏惕然言于余曰噫吾譜之作殆近百年後屬之不

與載錄者已三四世矣將不知某爲某派某爲某後古人所謂分而至路人者不趨近之此豈尊祖敦族之誼乎子盍圖所以重修之以溯其源而尋其流乎余起而拜曰諾余亦齎恨於是者已有年但事至巨而力甚綿且宗黨散處湖嶺之間地廣人遐無歸致力以是病之公有言敢不夙夜翌年春戊辰乃西之于海美北至于瑞山又西南至于泰安是國之西極粵己巳東至管山庚午由永山入于湖南至長水而還譜草始會同冬乙亥爲覓活字北之山陽縣南之咸寧郡皆不稱庚辰春正月戊寅又東過達城西至于苞山得活字定印期而歸即告于宗黨曰譜事其庶幾乎吾黨之願今旣小遂而吾黨之責只成譜事而已耶程夫子有言曰管攝天下人心收宗族厚風俗使人不忘本須是明譜系宗族旣收譜系旣明則天下之人心風俗尙可使管攝而美厚况一家之內乎今吾之譜上自鼻祖下之裔孫秩然俱載於一紙之上開卷奉玩有若張氏九世同居一室之中而油然孝悌之心不待蘇譜而復生矣然則吾黨之載斯譜者宜如何斯可爲不忘本

乎鳴世文章如文平公格天誠孝如芸亭公報國忠義如石川公光州公超人行
誼如華陰公則其兄弟之友愛宗族之敦睦不待相勉而一家之人心風俗自管
攝自美厚庶不爲忝所生之歸矣吾黨其勉之哉

崇禎後三庚辰仲春日後孫光澈謹識

大易同人成象類族物則以之明民彝賴而叙古昔聖人所以順天理補世教者
誠至周且密而後世譜牒之作其取義於斯乎蓋嘗思之物與物類也人與人類
也以其類言之圓顱而方趾者皆可謂之族而其氏姓之所自出脈絡之所有系
則截然有不可混者於是而苟無譜以綱紀之統領之上無以溯源本而問其先
莫知其世代下無以序昭穆而問其族不辨其行列甚或至於服未盡情未盡而
筌躋也道路也又從而戈戟也則天理滅矣人道熄矣幾何不胥而爲冠裳之禽
犧也哉程夫子曰收宗族厚風俗莫如明譜系斯誠千古至訓也宗族果收風俗
果厚行之一家而一國化之行之一國而天下化之人各親其親族其族則何患

乎民彝之不叙世教之不明乎古今士大夫咸以是爲重者良以此也永山金氏譜者譜金氏之族也系出新羅宗姓自羅而麗千有五百年之間公姓振振其麗不億隨封而異貫者殆遍於東方永金其一派也其源大故其流長其根深故其葉茂代有偉人錯落相望若乖崖之文章芸亭之孝石川之忠披諸譜牒燦然如星斗之麗天入海而觀龍吁其盛矣哉舊譜未有續觀者欠之歲戊寅尙派宗克譜暨上舍君光澈謀諸族曰吾宗族散而居遠邇三浪腹果而可至者猶不能盡知其面况於宿春乎又况於三月聚糧乎面未接而情可睦族未講而行可序者獨譜牒在而譜後百餘年來未遑修譜名字無載考據無地今不知其孰昭孰穆誰存誰亡老泉所謂一人之身分而至於路人者不幸近之矣此乃先父兄所嘗慨然者而遺其責式至于不肖輩茲事艱大非吾輩所及然誠恐新錄未續舊刊殘缺并與源流根支而同歸於晦昧矣竊不自量願從諸宗人後續舊譜而新之諸宗人其亦有意否咸曰唯唯謹奉譜系以從於是發文通告于遠近同宗仍始

事于芸亭公別廟之齋舍裒集各派家牒務致精詳其在遠者不能以時而來則上舍君又西走湖海南走玄丘親收其未至之譜廣謀其可印之道不辭勞頓益勤綜理凡例仍舊貫而略加增損至若先烈之述表德之傳生卒年月日之備載者則比舊又加詳焉粵三庚辰春二月譜就完將以活字印就余言曰式遵先志成新譜而舊既無序今又無述則爲異日子若孫者何從而知譜事之顛末而繼此而續之又續以爲千百代久遠之圖也願得一言弁諸卷首余曰族者類也宗者統也譜者普也又布也今兩君體大易同人之象念宗族保合之道類其昭穆之所以分而行列不紊統其祖宗之所從來而世代不亂既能普載於一冊又能布傳於諸宗使後之覽者油然有孝悌之心而人不忘本族皆歸睦則雖不爲政亦政也爰其爲爲政雖由此家齊國治而天下平亦不外是而其本則又在於吾一身兩君其自勉焉又以此語諸宗各相勉也余亦永金之自出於是譜也不敢以不文辭書以歸之

崇禎甲申後再庚辰仲春外裔夏山曹景稷敬書

永山金氏派譜序 丁未派譜二冊

粵自庚辰我尙派宗丈上舍光澈甫以爲收宗族厚風俗莫如明譜系遍告于遠近諸族而裒集各派家牒印成新譜而當其收牒也遠人不能留連窮族無以往來環此數三邑諸族初未載錄而全然見漏者有矣雖得載錄而未見全譜者亦多矣噫彼諸族一般我祖之孫而遂遠窮約致此遺漏則殊非曹公所謂普載布傳之意也於是見漏諸派不勝歎恨謀于余曰惟我數三家以宗中最窮約既已見漏於庚辰譜後日修譜亦難等待而今無以遍議于嶺海諸宗母寧姑爲永得活字以補上舍公所未盡者而凡例則一從舊譜以待日後改修而合譜則似或便宜余以爲事甚重大不可率爾始斬而終許之始刊于丁未元月晦而訖役于二月晦庚辰後後承亦併添載於舊譜之下曹公序文所謂續之又續以爲千百代久遠之圖是也茲略其顛末而至若先烈之述敦睦之勉既有上舍公及曹公

序文今不豐床云爾

崇禎紀元後三丁未仲春下澣裔孫遇秋謹識

永山金氏族譜序癸亥譜四冊○重用庚辰譜光澈序文故今闕之

永山金氏派譜序

甲子派譜四冊

金斯文元樟收其同祖乖崖公者編成一譜來謁於余曰吾家舊譜在昔吾祖都事公時而子之先文正先生爲之譜後叙矣今於此譜子盍有一言而繼之余嘗聞譜者所以收其族而追其本也其親踈隆殺之理具於老泉之文尊朝廷厚風俗之義著於程張之訓爲此譜者其知此說者余何庸贅爲噫我東之金始於鷄林自天潢分籍者指不可摟而金枚玉葉蟬聯輝可與上國之隴西李相比並此可驗本固而枝茂源遠而流長也蓋其肇籍于永山者出於羅季神武王之五子而至乖崖公則遇我英陵盛際文章勳業克大以昌其所稱都事公即吾家自出而孝友文行亦世其家暨其諸昆嘗受業于吾先子亟見稱於師門皆不幸早

闕譜中所謂三山派者乃其所不知而至今四五世遂零替不振此蓋物理盛衰之所不免也堯夫所以看花怕盛而今諸金之同此譜者苟能以追念爾祖母忝所生爲心則將復見蓓蕾之日此譜其爲之兆乎時

崇禎後四甲子小春日德殷宋近洙序

永山金氏族譜序

辛未譜六冊○重用舊甲子譜尤菴序文故今闕之

己卯改正譜序

大凡吾金之源自鷄林君爲始而至蘆事公典客令公世世以簪纓勳策大鳴羅麗及李朝有若府院君贊成公領相公繼以勳業奕烏三世至於文平公歷事六朝又以文章勳業顯成廟朝純誠明亮佐理功臣輔國崇祿大夫領中樞封永山府院君不祧之廟在於三山郡芝山下蓋吾金之盛莫此時若也逮至中葉道學忠孝間世輩出或錄勳或臺職或旌閭焉芝醴之根源師門之儀表也噫癸亥刊譜乃至三刊而今爲六十餘年之久矣余以是齎恨者深也故庚午孟冬與

三從弟敬魯發議經始遂因僉論之詢同於是建廳于永同閑谷丙舍輪通各處則宗黨修單應從者如水就下翌年辛未春精讎活出期至編成於是乎得免路人之歎也越三年癸酉春族從弟炳魯來余而言曰譜法乃是祖先之諱某字某忌辰墓所娶某氏仕不仕序次錄之以爲永世不忘本之計也今譜則不然吾之伯父以永山金之大宗且爲文平公不祧廟奉祀孫則與他自別也以此譜觀之伯父以上配位墓所或有拔漏而伯母之貫鄉幻他誤書開卷奉審則心寒股戰大抵譜法即萬古金石之文而義理明立之冊也終不卞正而暫難留置於世上矣吾雖孤單殘劣期於破譜釐正而後已也云云余應曰諾炳魯拔奮出力呈于京兆特蒙嚴題又呈錦營營題亦如則趁即改正而以財力不贍尙此未遑今乃迎副劂氏課日改革則號見中可弁二張雖有數三之疊此是不得已舉也有何疑焉嗚呼上自鼻祖下至裔孫秩然俱載於一紙之上開卷奉玩有若張氏九世同居一室之誼也惟願僉宗自今以後尊祖敦族母忝母替一如合譜之初心

則隆盛之鑑不必專美於前日而後世之昌亦庶幾也吾黨其勉之哉

崇禎紀元後己卯冬十月文平公十六世孫宗魯謹序

永山金氏族譜序

序二〇庚子譜七冊

修譜之義尊祖敦宗是已蓋自二代以來得姓者孰不沿其源而系其派乎自商契之後暨于宋卿孔父嘉載於孔子之通紀以高陽之裔至其皇考伯庸弃於屈原之騷經司馬之世典周史著於龍門之自序掌庾之以功爲族詠於江關之詞賦潘岳之始述家風陸機之先陳世德可見其承襲之意也范氏之百年積德張公之九世同居何莫非普族之誼乎程父子有訓曰管轄天下人心收宗族厚風俗使不忘本惟在明譜系蘇老泉亦曰觀我譜者孝悌之心油然而生是以後世之爲譜者惟以尊祖敦宗爲義而我東之名門望族無不皆然則此其所以爲禮義邦也嗚呼我金自鶴林君爲始而至詹事公典客令公世襲簪組大鳴羅麗逮于聖朝有若府院君贊成公領相公三世趾美勳業烜赫傳至乖崖文平公歷事

六朝恩禮隆摯德業彪著且以文章名於一國聞於中華以純誠明亮佐理功臣
特蒙不祧之典命刊文集藏在內閣訖于中葉文學忠孝間世輩出或錄勳或臺
職或旌閭焉皆我祖先積德發源也深故上下數千百年名碩相繼至今炳烺安
得不爲海東之世家乎惟我伯父府君以文平公嫡傳主鬯之孫承襲家訓飭躬
勵行不幸早卒嗚呼痛矣自茲以往未知幾人能善繼善述乎噫吾金之譜自

崇禎甲子其後庚辰癸亥凡三刊至辛未又刊而吾伯父以上配位墓所或有拔
漏伯母鄉貫幼他誤書蓋緣校正之不謹難兌譜系紊亂故余於其時屢呈于京
兆營邑遂破其譜尙未釐正而居然髮白痛恨益深迺於昨年冬敢發先論與各
派諸族某某協力同謀設譜廳于文平公墓下閑谷之齋舍營其重刊發文輪告
遠近宗黨莫不響應於是乎廢譜之錯誤者改而正之疎族之見漏者許而入之
裒集各派之先世遺蹟登諸剞劂編成卷帙者思所以承先裕後之道也若謂吾
祖之已遠而不知所以尊焉吾宗之已疏而不知所以敦焉則蘇譜孝悌之心將

無以生矣烏在其程夫子所訓不忘本之義哉凡譜於斯者盍相勉旃

崇禎紀元後庚子二月上澣文平公十六世孫炳魯謹序

今之譜法蓋自於古之氏族志而程子曰收宗族厚風俗使人不忘本須是明譜系譜牒廢則人不知來處雖至親恩亦薄惟吾金之貫永山者於東方氏族不甚蕃衍而自典客令公而下逮于今垂二十世枝條次第傍達派流各自細分且散處西南聲氣甚疎苟非明於譜系烏可以收宗族而序昭穆乎此其譜牒之所由作而間世增補者也去辛未之修譜也或不無疎漏之歎而三十年亦爲一世後承男女之闕錄者不爲不多則竊恐有終至恩薄之歸矣是時修譜之事曷可已乎乃與族人炳魯謀所以重刊宗議同歸付剞劂氏而鋟梓焉是譜也信以傳信疑以傳疑不敢以私意叅錯於其間而本之甲庚舊譜以正其始叅之癸辛二譜以致其詳而推廣親親之誼開卷瞭然雖將百世可與講於一堂而溫公所謂今雖疏遠以祖宗觀之則均是子孫者足以使人感極而知所本矣孝悌之心其必

油然而生而風俗之厚殆庶幾乎嗚呼蓋世族之家雖不能無隆替之相禪委靡不振鮮有吾族之今日若而抑嘗思之滾々青紫不足榮也瓊尾窮約非可憂也克守祖宗之貽謨而不墮者是爲繼述之大則凡我諸族寅昏惕勵羹牆乎贊成公之傳家懿德講誦乎文平公之華國盛什戴敏公與光州奉事伊川公及芸亭石川公之忠孝名節密城君之推誠定難北青公之扈駕勳業省谷公之孝誼禮學華陰公之超人行誼日常慕仰而師法之亦安知晦根之久必有春容之燁敷乎盍相勉旃若夫派系之源委凡例之條理舊譜之敘述略備此不復論今於修譜終始周章者余與炳魯執其勞族弟鍾文族人中權三從弟鎮德族侄大洙相其改校之役云爾

庚子四月下澣後孫鎮泰謹識

永山金氏族譜序

序四〇乙亥譜八冊

程夫子曰收宗族厚風俗使人不忘本蘇氏序云一人之身也分而至於途人吾

譜之所以作也豈不欽哉竊瞞我東名門巨族莫不有譜蓋亦倣古之義也噫惟我永金上自大輔公下至典客令贊成公輝爍相繼又至於乖崖文平公之文行勳業戴敏公與光州奉事伊川公及芸亭石川湖隱愚齋公之忠孝名節密城君之推誠定難盤溪省谷華陰公之超倫行誼則先輩之述輝映簡冊今何更贅顧吾修譜自庚子今爲三十五載矣後承之不入者甚衆故乃於客秋廣謀于僉族則莫不響應而獨尙靈兩派翻然爽約於余何誅也噫以祖先視之則一根一查而以子孫觀之則千枝萬葉也非譜則何以明派系正昭穆乎然今修譜之意奚但止於此而已詩云毋念爾祖聿修厥德又云母忝爾所生此非晨昏惕勵者乎余所望於遠近諸族者蓋亦無窮已也譜誰同事余與東麟東勳東赫 洛中等執其勞而掌其事致權德淳貫鉉互相考校之役云爾

乙亥重陽日後孫鍾夏序

族者同根同源之謂也譜者述先叙倫之謂也非譜則何以尊其祖而知來處乎

非族則何以修其譜而知敦睦之誼乎惟我永金系出乎新羅者爾來二千年之
間華胄奕葉紹文承武勳業節行繼若貫珠一無虧缺則可謂海東之世家也於
不盛哉噫吾譜之重刊已經三十五載將欲鋟梓然事巨力綿至于今日者蓋有
年所乃於甲戌秋宗議歸一莫不影從惟尙靈兩派角涯相反誠可恨也夫以宋
朝之文獻尙歎無百年之家况今吾譜重刊之久既如彼子姓之蕃又如此者乎
茲所以眷々於爲譜而前之枳塞者通之漏落者入之沈淪者亦揚之泛以觀之
則雖若涇渭之無別反以思之則莫如敦睦之爲誼也信乎程夫子有言收宗族
厚風俗使不忘本惟有明譜系之義也今譜於斯者以一源之派一根之枝欲達
其派則曷不溯其源乎欲達其枝則曷不培其根乎夫如是則孝悌之心油然而
生忠義之心亦隨而立其於世教之幸豈不少補也哉

乙亥重陽後一日後孫東麟謹序

天生斯民必父子相承由近而遠愈遠愈廣則先系不得不明昭穆不得不叙此

譜之所以作也李祖治教休明而士大夫莫不重世德尙門地殆家々而有譜人而講譜豈不彬々乎哉然而生孝悌之心講敦睦之誼母忝而繩武合敬而同愛使百世而一室萬人而一心者則蓋亦鮮矣有志於譜者寧可不知其所勉乎惟我金之譜自庚子至今爲三十五年之久矣恒懼夫同出一源而若視路人何幸去年秋詢謀僉同自今春某々諸氏設譜所於贊成大祖講修之堂彈誠周章功將訖寄書請弁自顧不文固非其人然教命既重亦不敢辭竊惟我金系出新羅宗姓自天潢分籍者指不可搜而其籍于永山者今此同譜一派也蓋自羅麗至于李朝上下二千年金枝玉葉之燁爛文行動勳伐之炳烺於國史野乘之間者前賢又屢述於舊序中今何更贅但所欲言者則向所謂孝悌敦睦母忝繩武合敬同愛者是已然之道也非君子莫能也故方遜志先生曰夫有君子而無祿位族雖衰猶盛也祿位光榮而君子無聞焉族雖盛猶衰也惟吾金盍相勉旃試觀今日異流漲天而綱常墜地忘其祖而讎其族者滔々焉豈可不汲々於立身飭

行以自拔胥溺之中也耶嗚乎其亦念之哉

乙亥仲秋上澣後孫九鉉謹序

國之史者家之譜也其規一也春秋作而亂賊懼綱目修而蜀漢垂統所以扶萬古之綱常尊祖重本而三代宗子之法行敦尚孝悌而老泉序譜之文著所以知百代之親睦然而名分或不嚴凡例或不整託冒或不禁若春秋之無義戰如滄海之收遺珠則序列類此外訛寅緣依附者畢至示今與後豈其不難哉蓋吾姓往牒越自甲子已爲五刊上自羅麗詹事典客令府君逮于李祖府院贊成領相府君至文平公節義忠孝文章錄卷臺職旌閭實跡載在於國乘輿誌昭暉炳烺顧何更贅而臺巖壇碑之尙闕府院贊成二府君祭田之薄略文平公遺集之未及刊布實是欠事誰可向往以前耶現今遠近僉宗詢謀同力僖憲公三次建節賜謚戴敏公之嶺伯中樞文獻軫永成奎二族丈徵信於大邱邑誌東國文獻錄牧使公派先世文蹟咸得登梓而獨尙靈派所執自異莫之致而至慨然也已

辛未破譜流傳者然而後來歸正抑有未及也竊惟舉宗之所公也余何敢左右
折衷也略述所見及此伏願僉宗亟加奉先敦宗之誼隨處勸勉母或掩過若路
人然

歲乙亥十月上澣後孫明淵謹識

鷄林金氏璿源世系

二世

三世

四世

五世

六世

始祖

金闕智

新羅大輔追

尊世祖王

妃摩貞夫人昔氏父

角干康造祖第四

王脫解

子勢漢

居西干一云匝干

○按尼師今居西

干次次雄麻立干

皆王者之號

子阿道

波干

四十五平

小叶十二爭丙是

繼立于晉蘇立

誠立于遼實立

建祖立于宋頭立

立于齊東晉

基皮翁加德祖立

子首留

角干○平章之秩

角干

子郁甫

元二年吳劉裏

立于齊東晉

子仇道

元二年吳劉裏

立于齊東晉

基皮翁加德祖立

七世

八世

九世

十世

十一世

仇道

子味鄒王

女金奈勿

一吉浪追尊葛文
王伐休王時爲將
軍左軍主主一作

繼沾解王昔氏而
立金氏爲王始此

○在位二十三年

葬火陵今慶州府

正○按羅史追封
王皆稱葛文

妃述禮夫人朴氏祇

妃光明夫人昔氏助

我國雖小素稱禮義之邦者以三綱五常之道經緯敘列斯人之類立綱陳紀倫
理成焉敬祖愛族義理立焉此可以傳於世而稱呼之名不亦宜乎蓋人之生也
必父子相承由近而遠愈遠愈廣此譜之所以作而殆家々有譜人人講究者也
自崇禎甲子后今屢回修譜其間無遺漏爲大同者有幾時歟雖曰大同有居之
僻而未周時有意不同而未合時今壬寅之譜則僉意之大同規模之周密比前
尤如何哉今將告訖但知其有族而有譜不知其有譜而愛族之理則於譜何益
之有嗚呼世道日非綱常墮地父不父子不子東方禮義之名幾乎盡矣中夜思
之寧不寒心哉願吾僉宗于斯時也益加警念立其綱而陳其紀敬其祖而愛其
族爲先之道裕後之策必先自吾身而立焉必自吾門而成焉則自然根固而枝
榮源深而流長矣安知異日不昌大乎余自辛丑春至壬寅仲春參譜所前後周
章而不無眷々之情故敢此衷心謹告云

宜紀四二九五年壬寅仲春日後孫洛仁謹跋

維_王_正氏之族自羅麗以降至于數千載先祖之道德文章忠孝節義勳業爵祿

小序

布在芳冊名播海內者其根固而其源深矣故繼々繩々輝耀於世者無非祖先積德累仁之蔭報世或有潛德隱光不求聞達者往往有之以待後來之間風而興起焉吁其美矣其奈世道日降派流漸遠則不億其麗散在四方或顯或微而以其同祖之裔視若路人豈不歎哉爲是之懼重刊吾譜之意詢謀僉同編纂譜冊則一以爲追慕祖先垂蔭之厚一以爲激勵後裔敦睦之誼其於百世一本之義倘不替於後矣維我宗族躬行仁義體念祖先垂蔭之德益勵後來敦睦之誼則幸甚

白崇檀紀四二九五年壬寅仲春日後孫台鉉謹跋

夫編譜之事程子言收宗族厚風俗使人不忘本蘇氏序云一人之身也分而至於途人皆不漏於淵源繼承之事而昔三國時代漢獻帝呼玄德繼次曰漢宗室劉皇叔蓋其義也 惟我永金自新羅大輔公以下祇侯公之後裔至典客令公以爲始稱永金也其後諸賢輩出文章勳業忠孝名節超倫行誼之蹟則子孫之極究戀效之事而論倫則相情論勢則相疏人事之相情也以爲子孫之道論之研學慎實不累於祖先之燦然極備之至也以況於同根同源倚勢先赫而宗族之間不敬虔之弊間或有之何以望於祖先賢赫之道哉嗚呼其立於世教之昭顯於諸先公之文行動業忠孝名節超倫行誼之事豈不潛心而不念也戒慎戒慎焉

歲之壬寅仲春節

后孫 弘錫

謹跋